



N O T A E

AD PRÆCEDENTEM ORATIONEM.

Pag. 5. lin. 6. *Cur geminus Caſtor &c.* Memorabile est tantam utriusque fratriſ Caſtoris atque Pollucis tam corporum quam animorum similitudinem Veteribus fuisse viſam, tantamque concordiam, ut alter etiam alterius nomine simul indicaretur, & ſic *geminus Caſtor*, nec non *geminus Pollux* diceretur, cum non unus aliquis eorum, ſed ambo intelligendi eſſent. Rutilius Numatian. Itiner. Lib. I. V. 155. *Pande precor gemino placatum Caſtore pontum;* id eſt, utroque fratre simul Caſtore atque Polluce. Horat. Lib. III. Od. 29. in fine: *Tutum per Ἰ̄ḡēos tumultus Aura ferat, geminque Pollux;* id eſt iterum, frater uterque Caſtor & Pollux; eorum enim ſi alba ſtella simul refuſiſſet, ventos conēdere, & proſperam navigationem oriſi ſperaſerat, ut idem Poëta Oda XII. Libri primi teſtatur. Eadem quoque ratio eſt, *cur Caſtores πλυντυναὶ dicatur*, ut ſub eadem appellatione simul Pollux comprehenđatur. Æthicus in Cosmogr. pag. 716. Edit. Gronov. de Tiberi loquens: *Insulam facit inter portum urbis & Ostiam civitatem: ubi populus Romanus cum arbis præfecto vel conſule, Caſtorum celebrandorum caſa, egreditur ſolennitate jucunda.* Et ſic Plinius, Arnobius pluresque loquuntur, quorum loca ab aliis jam obſervata fuerunt. Confer. Theod. Sitzmannum ad Rutil. Itiner. Lib. I. V. 155. aliosque, ſi voluſe eſt.

Pag. 10. lin. ult. *Gerhardo illi Maſtrichtio, & mox pag. 11. lin. 2. Petro Maſtrichtio &c.* Ea que de duobus his Fratribus, hoc Theologo, illo autem Jurisconsuſto dixi-
mus, ita capienda ſunt, videlicet eos in eodem munere Pro-

E 3 fessorio



fessorio tam diuturnum quinquaginta annorum spatium non consumpsisse. Alioquin cum uterque ad extremam senectutem pervenerit, hinc satis constat, eos etiam plures annos in publicis muneribus transegisse quam quinquaginta, quæ tamen diversi generis, diversisque in locis ab iis administrata fuerunt; à Petro nempe *Mastrichtio* Santenæ, Tychopoli, Francofurti ad Oderam, heic Duisburgi ad Rhenum, ac postremo Ultrajecti, à Fratre autem ejus *Gerardo* in hac primo Academiâ, ubi jam anno cIɔ Iɔc LXIX Historiam atque Eloquientiam, ac mox Jus publice docere cœpit, & deinceps in Republicâ Bremensi, ubi anno cIɔ Iɔc xxii. ad diem IX. Kal. Febr. octogesimum secundum ætatis annum ingressus decepsit, testante Cl. Theodoro Hafæo in Bibl. Brem. Clasf. IV. Fasc. VI. pag. 109r. nec non eruditissimis Viris Henrico Ikenio, & Hermanno Postio in Bremâ Literat. pag. 87. De Petro vero *Mastrichtio* consulendus est Henricus Pontanus in Laudatione Funebri ejus honori factâ, & anno cIɔ Iɔc vi. Roterodami in lucem editâ, & inde quoque narrationis sue momenta præcipua mutuatus Vir doctissimus ac celeberrimus Joh. Christoph. Beermannus in Notitiâ Universitatis Francof. pag. 174. &c.

Pag. 13. lin. 6. Quæ tot aliis postremæ humanitatis officia &c. præstitissimæ; tribus nempe in hac Academia quondam celeribus Theologis, *Joanni Christiano Loersio*, *Guilielmo Neubusio*, *Christophoro Rabio*, duobus Medicis *Gottlieb Ephraim Bernero*, & *Joanni Arnaldo Timmermanno*, Jurisconsulto vero præter hunc Clar. SVMMERMAN-NVM nostrum uni *Joanni Arnaldo Rulando*, qui pri-
mo mihi loco propter magnitudinem personæ merito nomi-
nandus fuisset, serenissimo quondam ac potentissimo Bo-
rußiae Regi, *Friderico Guilielmo*, nec non illustrissimo Viro,
ejusdem Status Regii Administro *Marquardo Ludovico Prin-
zenio*, in quos omnes Orationes funebres, aut Panegyrici
sermones à nobis habitu hic publicis typis exscripti reperiun-
tur, in posteriorem etiam edita quondam Oratio deinceps
Berolini cum aliis ejusdem generis Opusculis recusa est.

Hæc

Hæc propterea à nobis, eumque in finem, non alium, commemorantur, ut constet, unde uberior hujus Academiæ & ejus Actorum historia aliquando petenda sit. Is enim præcipuus ex mea quidem sententia horum actuum ac similiūm solennitatum usus est, etiam posteritati præcedentium rerum curiosæ profuturus, & luculentiorem aliquam materiam, si eam necessitas aut occasio requireret, suppeditaturus. De aliis lætioribus Panegyricis Orationibus, aut aliquam Eruditionis, Historiæ, Antiquitatis vel Philologiæ partem tractantibus, quia ad hunc censum non pertinent, filemus; quamquam & harum nonnullæ ad res Academicas nonnihil illustrandas sæpenumero faciunt.

Pag. 17. lin. 13. anno superioris seculi septuagesimo quarto; &c. Ne aliquis, qui Miscellanea Duisburgensis brevem ac compendiosam Professorum hujus Academiæ tunc florentium historiam in prioris Voluminis fasciculo primo pag. 121. & sequentibus complexa inspexerit, videritque defuncto SVMMERMANNO tunc adhuc viventi annum à Christo nato millesimum sexcentesimum septuagesimum octavum velut natalem ibi pag. 129. assignari, propterea erroris aut negligentiae nos arguat, is sciat, nobis post sedulam inquisitionem, certaque indicia rei narratæ deprehensa manifeste constitisse, illic errorem esse commissum, ac SVMMERMANVM ad minimum quadriennio prius, ut in ipsa Oratione docuimus, in dias luminis auras prodississe. Certe etiam biennio ferè majorem Guilielmo Neuhausio jam supra ob aliam causam mémorato nostrum fuisse beatum SVMMERMANVM, ex illius Uxore, matronâ lectissima, hujus Cognatâ, me saepius intellexisse recordor. Jam vero celeerrimum Neuhausium superioris seculi anno septuagesimo quinto, pridie Iduum Aprilis in lucem editum fuisse, indubitatò constat. Cetera nobis aliunde innotuerunt.

Ibidem 17. lin. 23. nobilissimæ in hoc trætu Putterianæ familie, &c. Ea maxime ex Otiis Parergis Viri doctissimi

simi Guilielmi Neuhusii, quondam in Gymnasio Hammensi ac deinceps in hac Academia Professoris celeberrimi cognosci potest, qui ex eadem quoque prognatam habuit uxorem, ac proinde Cl. SVMMERMANNO nostro propinquitatis olim vinculo connexam. Vide Libri citati p. 567. & seq.

Ibidem lin. 28. *Joannem Thomam Summermannum, &c.* Hujus Viri dignitates & fortunam ex ejusdem Neuhusii Otiis parergis, pag. 566. addidicimus; qui etiam alibi defuncti SVMMERMANNI nostri, & duorum Filiorum ejus, nunc illustrium Virorum, meritissimas laudes ingenuè & suo more, id est, ultro libenterque prædicat. Idem in hac quoque Academiâ summis in utroque Jure honoribus condecoratus est. Cumque, ut ex Albo Candidatorum Juris perspexi, octavo fere ante hujus Collegæ nostri, Fratris sui, inscriptionem anno, in eo nomen sub Decano Joh. Mauricio Crellio, die nempe X. Novembris Anni cIɔ Iɔc xci apposuerit, inde appetet natu majorem fuisse.

Pag. 21. lin. 16. *buc tandem ex Viadrina Academia, &c.* Scilicet postquam prius magnus hic Stryckius per triennium Wittebergæ publicè Jurisprudentiam docuerat eō à Joanne Georgio III. Serenissimo Saxoniæ Electore, Francofurto vocatus. Memorato vero triennio istic exacto tum demum Halam mandato Friderici, Brandenburgici Electoris, ac postea primi Borussiæ Regis, in novam Academiam discessit, ut docet Joannes Christoph. Beermannus in Notit. Univers. Francof. pag. 225. Nobis enim in ipsa Oratione, quam repræsentamus, ut habita fuit publice, placuit esse brevioribus.

Pag. 25. lin. 23. *Antecessore suo Guilielmo Crusio.* De eo consulendus est vir multa eruditione simul & nitore sermonis merito commemorandus Henricus Christianus Hennius, publicus olim in hac Academia tam Medicarum quam Humaniorum disciplinarum Doctor egregius, in Oratione funebri *Crusianæ* memoriae ab eo habita, & heic Duisburgi

gi circa finem præcedentis seculi, anno nimurum c^o I^occ typis exscripta.

Pag. 26. lin. 26. *Antonii Deusungii, origine Meursensis.*
&c. De Vita, fatis, scriptisque ac meritis hujus Viri viden-
dus est Auctor Libri, cuius titulus est, *Efigies & Vitæ Pro-
fessorum Academiæ Groningæ & Omlanthe*, pag. 213. & se-
quentib. ubi etiam pag. 218. *Henrici Nisi*, quem Clar.
SVMMERMANNI Uxor lectissima Avum habuit, nec
non honoratissimæ Kumpfthoffiorum familiæ eidem per affini-
tatem junctæ fit mentio, *Ludolphi quoque Oosterwickii*, stir-
pe patriciâ non minus & antiquâ, quam virtute propriâ con-
spicui, publicis etiam in Ducatu Clivensi muneribus, & Le-
gationibus honestati, unde præter alias laudes etiam non
exigua commoda in ornatissimam hanc *Nisiam*, SVMMER-
MANNI Conjugem, ejusque primo parentes, deinde & in
ipsius progeniem manasse didicimus. De *Hermanno vero*
Deusungio, Antonii filio, parenti suo etiam multitudine scri-
ptorum & πολυμαθία, tum nominis celebritate comparan-
do, videatur Biblioth. Brem. Class. V. Fasc. V. pag. 925. ubi
in Notis quoque adjectis similiter de Patre *Antonio Deusun-*
gio agitur.

Ibidem lin. 10. ne de *Theodoro Niso in Gymnasio Ham-*
monensi, &c. Hunc etiam ejusdem sive familiæ, sive, ut
verisimilius videtur, gentis fuisse, ab iis, qui se rem eam
perspectam cognitamque habere adfirmabant, scrupulo ex-
emto mihi persuaderi passus sum. Erat is ceteroquin nativi-
tate Tremoniensis, & in Athenæo Hammonensi utriusque
Juris ac Politices Professor meritissimus ac celeberrimus, an-
no superioris seculi octogesimo primo jam defunctus, cu-
jus memoriam Philippus Joannes Tilemannus dictus
Schenck, tum in eodem Lyceo, uti postea in Marpur-
gensî Academiâ, Theologiam publice professus, posteri-
tati commendavit, Oratione in ejus Obitum conscripta &
ibidem editâ.

Pag. 28. lin. 20. *Decanatum vero suæ Facultatis tot vi-*
cibus, &c. Ipsam Orationem quoniam, sicut habita fuit,
F lectori



lectori repræsentare maluimus, idcirco nihil in illa mutare placuit. Postquam vero deinceps paulo accuratius hanc quoque rem inquisivimus, patuit, Cl. SUMMERMAN-NVM nostrum decies & octies in Facultate suâ honore Decanatus functum fuisse, Prodecani quoque, ut appellant, vices ter gefisse, omni autem illo tempore ingentem Candi-datorum numerum summis in Jure honoribus post confusa profectuum pericula ex Academico more facta condecorasse, quorum per varias Germaniae regiones deinceps dispersonum multi jam ante ipsum Doctorem suum diem supremum obierunt, non pauci etiam hodieque supersunt, & tanti Viri dexteritatem, doctrinam ac in docendo perspicuitatem, præfertim si quæ ad usum forensem spectarent, non sine gratâ commemoratione agnoscent, nonnulli etiam summis dignitatibus vel in cathedrâ Academicâ, vel in aulis Principum inter purpuratos fulgent.

Pag. 29. lin. 10. *Scriptorum vero ipsius ac dissertationum monumenta.* Præter ea, quæ jam recensuimus, etiam deinceps nobis sequentia innotuerunt. *Disputatio Juridica duplex exhibens vera Jurisprudentiæ præcognita.* Duisb. 1705. *Disputatio Paradoxa de Mero Magistratum Romanorum Imperio, & de illius atque Jurisdictionis Romanæ usu in Foris Germaniæ, potissimum vero in Camerâ Imperiali.* Duisb. 1712. *Dissertatio Juridica exhibens Dissentanea Cautionum & veram feriarum, diversorumque temporum indolem.* Duisb. 1714. *Praxis Juris Romani in Foris Germaniæ circa principium Judiciorum de in Jus vocando.* Duisb. 1714. 4to. Porro *De vera ac genuina Jurisdictionis Cameralis Indole.* Item, *De officio Magistratum & illorum, quibus mandatur Jurisdictionis.* Ut & *Facies genuina Juris personarum & rerum.* Præterea *De Necessitate atque Utilitate Jurisprudentiæ in vita humana contra inique eam traducentes asserta;* postremo *De Validitate Actuum contra leges celebratorum.* De scriptis eristicis mox dicemus.

Pag. 30. lin. 17. *ipse Merckerus Assindio invitatus.* Vir ille pietatis, & religiosi fervoris laude non videtur esse pri-vandus,

vandus, et si hic interdum parum consultus & nimis etiam austerus jure meritoque censeri queat, cui singularia quædam dogmata accedebant partim falsa, partim intempestiva, & plebi indecenter ex publico etiam suggestu inculcari solita, de *Potestate civilium Magistratum circa Sacra, de Potestate docendi absque prævia legitima Vocatione per homines facta, de Sabbato ejusque jure, de studiis philosophicis juridicisque, & quæ erant hujus similisque generis plura.* In primis omni virium & nervorum contentione quorumvis conviviorum, quæ odioso comessationum vel compotationum nomine traducebat, tum omnium, ut certe videbatur, Causarum forensium ac litigiorum plenam abrogationem semel, ut dicitur, & in perpetuum factam urgebat, ipsosque Magistratus tam de iniuitate quam impossibilitate posterioris hujus postulati præcipue conquerentes velut refractarios aut certe tergiversantes arcere Sacris non dubitabat. Natum hinc gravissimum incendium post frustra tentataam sæpen numero concordiam, responsaque Juridica & Theologica ex variis Academiis & Dicasteriis incassum petita, non aliter quam ex auctorato ipso harum turbarum auctore sopiri potuit. Omnia hæc latius intelligi funditusque cognosci possunt ex ampio volumine, quod *Actorum Essendienstum* nomine Magistratus illius urbis Mulhemii ad Rhenum anno hujus seculi sexto typis exscribendum ac in lucem edendum curavit. Hujus tanti incendii scintillæ etiam Duisburgum dispersæ erant. Nata enim hinc defuncto Clar. SVMMERMANNO nostro controversia cum Rev. Merckero primum dissertatione Academica, præsente & argumenta opponente ipso Adversario, agitata, deinceps ulterius discussa hoc libro vernacula lingua conscripto, & typis Sassenianis in lucem edito: *Anweisung des Ungrunds und Unfugs in der vermeinten Rettung der kurzen und einfältigen Justiz, welche H. Johannes Mercker in Essen ausgegeben; in einem an denselben abgelassenen Schreiben vorgestellet.* Duisburg 1704. in 8vo.

Ibid. lin. 23. tantæ tamque immensæ *Actorum moli &c.*
Hanc in primis laudem defunctus Cl. SVMMERMANN
F 2 NVS



NVS meruit retulitque, quod non solum variis ingenii & doctrinæ monumentis inclarerit, domesticæ etiam studiosæ Juventutis institutioni ita sine ulla remissione constanter & pertinacissime incubuerit, ut se nullo unquam colore & prætextu inde abstrahi, nulla intercedepine retardari, nullo ne honestæ quidem licetæque recreationis titulo abripi siverit, sed etiam tantæ, tam singularis & inusitatæ in perlustrandis & expediendis omnis generis & gravissimi momenti Actis, sicut vulgo loquuntur, & jam Juvenalis ea vocavit, dexteritatis exstiterit, ut ferrei plane corporis & invictæ naturæ esse videretur. Nec dubito, quin plurima notatu dignissima Viri merita hinc commemorari possent, si temporis & rerum circumstantiae paterentur, ut omnia diligentius perquiri possent. Sed nobis inter tot tantosque labores alios, tum ceterorum occupationes aut remoras suffecerit, rem ipsam hoc tempore breviter attigisse, & quam nihil pervulgato Oratum more loquuti simus ostendisse.

Pag. 34. lin. 13. *Quis nescit Samii tristia Reguli &c.*
 Ut tandem incomtæ Orationis & notarum tumultuario labore adjectarum perlustrationem aliqua mercede velut in gratiarum actionem Lectori compensemus, amoeniore quadam coronide, si fieri potest, ut consuevimus, præsenti Opusculo finem imponemus. Verbis ipsis paulo ante citatis nos ad Polycratis, vetustissimi illius Samiorum sive Reguli, sive Tyranni, nimiâ felicitate suâ tandem in exitium dati misereque ab hoste interfecti historiam allusisse, satis unicuique patere existimo. Egit de eodem OVIDIUS NASO in eruditissimo suo, sed ob vetustissimas historias fabulasque ex ultimâ mythologâ depromptas obscurissimo, ac propterea saepe depravato illo Opusculo, cui à ficto adversarii nomine titulus est IBIS. Sed is hodie illic nullus reperitur. Dici enim credique ab inexpertis nullo modo satis potest, quam multa tetterim & desperate, ut in ceteris quoque elegantissimi illius Poëtæ Operibus omnibus, corrupta sint, quibus post longas & saepe iteratas meditationes adhibita in subsidium tot Variantium Lectionum undique constipatarum farragine, plenam integrumque

gramque medicinam (præfiscini dixerim) sine omni temeritate attulimus. Paucis hic iterum exemplis ex incredibili multitudine, ut saepius alibi jam fecimus, rem docturi sumus. Locus OVIDII NASONIS in Ibide hic est V. 291. & seq.

*Vel tua matureret, sicut Minoëa fata,
Per caput infusæ fervidus humor aquæ.
Utque parum miti, sed non impune Prometheus
Aërias volucres sanguine fixus alas.
Aut velut Etracides, magno ter ab Hercule quintus,
Cæsus in immensum projiciare fretum.*

Plura nonnulla ob majorem perspicuitatem & nexus sermonis adjecimus. Alterum vero distichon miserrimè corruptum & depravatum, ut multa in hoc Opusculo alia similiter à nobis restituta, sed nunc prætereunda. Nam primo exemplum Promethei infra V. 545. his verbis occurrit *Fixus & in duris carparis viscera faxis, Ut cui Pyrrha sui filia fratris erat.* Ubi Prometheus, Epimethei frater, pater Deucalionis, & Pyrrhae patruus ita designatur, ut nulla dubitatio aut corruptionis suspicio possit oriri. Impossibile igitur est, ut Ovidius idem exemplum Promethei hic jam adhibuerit. Nam quod Astyanax etiam bis V. 489. & 566. designatur, id iure factum, cum votum sive imprecationis malo plane sit utrobius diversa. Accedunt deinde multa alia in verbis his ipsis ingens loci ulcus indicantia. Non enim Prometheus à multis volucribus, sed ab unâ aquilâ vel vulture laceratus est, nec sanguine pavit eum, sed visceribus identidem renascentibus. Porro quid volunt verba non impune vel de Prometheo, vel de Ibide? An Jupiter ob latam de Prometheo sententiam ultiōnem sensit, aut punitus est? Nam ad Ibin ipsum referri nequit, nisi insulfissime & contra totam de hoc inimico homine Nasonis sententiam. Vides omnia esse inepta & deplorata; unde mirandum est, Nicolatum Heinsum in merâ hac caligine tamen *miti ausum esse refingere & edere pro mitis*, ut in omnibus MSS. & ceteris Editionibus legitur. Et quam contortè ac coactè *miti sanguine* vult construi, confusa comparatione cum imprecationis verbis! Te-

meraria hæc non minus quam vana conamina sunt in rebus
plane ignotis, & locis minimè intellectis. Et tamen Clar.
Burmannus hoc sequutus est. Idem Heinlius etiam legebat.
Vtque parum metuens sed non impune deorum; quia *metuens*
in uno MS. repererat. *Æquè frustra;* ut taceam, mutatio-
nem vocis *Promètheus* in *deorum* minime probabilem esse.
Nimis tritum vocabulum est *deorum*, quam ut tanta muta-
tione potuerit in vocem *Prometheus* degenerare. Porro
quis foret ille parum metuens deorum sine nomine? Dio-
nyſ. Salvagnius hos duos versus plane censemus esse delendos,
ne Promethei exemplum bis occurreret. Hæc autem verè
intolerabilis temeritas est, & regia ad ingentes corruptiones
ac vetustissimorum dictorum jacturam via. At vide nunc
nostram loci desperati restitutionem, ubi prius didiceris, in
MSS. pro *sanguine fixus* exstare vel *arbore fixus*, vel hæc ult-
ima etiam sic ab interpolatoribus exhiberi *sanguine pasce tuo*,
imo à nonnullis etiam *corpore pasce tuo* temere obtrusum fui-
se, quæ merito exsibilia sunt. Nota itaque *mitis* in MSS.
esse, tum *arbore fixus* in Codice Sarravii. Emenda videlicet
hunc locum capitaliter ita:

Vel tua maturet, sicut Minoia fata,
Per caput infusa fervidus humor aquæ.
Utque parum mitis Samiorum impune dynastes,
Aërias volucres arbore fixus alas.
Aut velut Etracides, magno ter ab Hercule quintus,
Cæsus in immensum projiciare fretum.

Intelligitur princeps Samiorum, vel Regulus, vel, ut pro-
prie tales dicebantur, Dynastes ille Polycrates, qui ab Oroë-
te Sardibus à Cyro Rege præfecto arbore suspensus & cru-
cifixus est. Herodotus in Thalia, seu Libr. III. cap. 125.
sic rem narrat: Ἀποτείνας δὲ μιν ἐπὶ ἀξίως ἀπηγόσιος
Οροῖτης ἀνεσάυρωτε. Et mox ibidem: Πολυκράτης δὲ
ἀναρεμάμενος, ἐπετέλεσε πᾶσαν τὴν ὄψιν τῆς Θυγατρός.
hoc est: Eum Oroites, quod indignum relatu est, postquam
occidit, cruci suffixit &c. Polycrates ergo suspensus omnem fi-
liae

hæ visionem explevit. Quid jam elegantius, convenientius, verius ullis cogitationibus fingi potest? *Impune* hoc fecit Oroëtes, quia nemo illum propterea punivit, nisi quod vindicta divina eum tamen postea hinc persecuta fuisse videatur, ut idem Herodotus deinceps indicat. Aptissimè etiam *parum mitis* dicitur ipse Polycrates, ut qui durior quidem tyrannus in cives suos Samios non fuerit, sed qui tamen obtinendæ dominationis & sibi soli vindicandæ causâ fratrem unum occiderit, alterum ejecerit. Idem Herodotus Libr. III. cap. 39. videndum est; ubi Polycrates ille Æacis filius dicitur, fratres ejus Pantagnotus & Syloson. Ibidem de incredibili ejusdem felicitate, nec non de amicitiâ cum Amasi Ægyptiorum rege videri potest, quam hic abrumpendam censebat, quia post tantam Polycratis felicitatem videbatur singularis quædam infelicitas necessario deinceps secutura. Vox *dynastes* & *dynasta* optimis quibusque scriptoribus, ipsique Ciceroni de hujusmodi Principibus est usitata; cuius priorem syllabam esse brevem non modo hinc, sed etiam ex ejus origine ac naturâ ob vocem *δύναμις*, recte jam alii non nulli notarunt, locumque Senecæ Tragici in Thyeste *v. 605.* *Cunæta divinat metuitque casus* pessimè olim corruptum fuisse ab iis, qui vel *dynastas* ineptissime, vel *divitias* loco *τὰ divinat* exhibebant. Et jam postremò vide aberrandi causam & facilitatem, dum ex *sanior* (ultimis literis *um ob* sequentes *im in impune absorptis*) fuit corruptum *sed non*, pro *Dynastes* vero *Prometheus à semidoctis & bliteis illis librariis obtrusum*. Creberreme contigit, ut obscuritas sive fabulæ cujusdam sive historiæ Librarios ad insignes errores perduceret, adeo etiam, ut interdum sani quoque ratiocinii in locis corrumpendis expertes fuisse videantur. Uno alteroque exemplo faciliore, sed tamen memorabili, prætermillis tot vulneribus vere Chironiis jam sanatis, illud comprobabo. Idem OVIDIUS NASO Tristium Libr. I. Eleg. IX. *v. 31.* sic canit:

*Quod pius ad manes Theseus comes iisset amico,
Tartareum dicunt indoluisse Deum.*

Euryali



*Euryali Nisi que fide tibi, Turne, relatā,
Credibile est lacrimis immaduisse genas.*

Fœdum hic iterum ulcus occurrit ac turpe, quod mox felicitter, ut spero, sanabimus. Agit Poëta de laudibus amicitiae & fidei, quæ etiam à saevissimis hostibus probetur. Addit, ut nunc ineptissime legitur, ipsum Tartareum Deum, sive Plutonem indoluisse, quod Theseus comes Pirithoo amico suo ivisset ad manes. Quid hic est *indoluisse*? Si latine volumus loqui, notat vel idem, quod succensuuisse, indignatum fuisse, plane contra mentem Auctoris. Sic Trist. Lib. II. V. 210. de Cæsare sibi irato ait: *Quem nimio plus est indoluisse semel.* Et ibid. V. 292. *subibit, Pellicibus multis banc doluisse Deam.* Et sic alibi saepè: Vel, ut hic Interpretæ forte se expedire tentabunt, id verbum idem notabit, quod commiseratum esse. Sed si notione istâ alibi non inusitatâ à nobis etiam hic capi deberet, unde Pluto ille, crudelis ac torvus, adeo repente mansuetus factus est, ut præ animi teneritudine ob vimam Thesei sortem indolescere & querelas proferre cœperit? Itane vero? Imo latet sceleratum ulcus facillimo modo tollendum. Nam Nic. Heinsius *num doluisse*, Petrus Francius vero *obstupuisse* divinans minimè audiendi sunt. In quatuor MSS. fuit *non doluisse*; quod ab iis sic interpolatum videtur, qui alterius verbi absurditatem videbant. Sed hæc lectio etiam absurda est multis de causis, quas cogitari malo, quam à me prolixitatem virante hic adscribi. Tantum dico, nullum hic ratiocinium esse sententiæ inseriens, quæ hæc sola est, ut ostendat Poëta, quanti fiat Amicitia etiam ab hostibus & ipsis tyrannis, ut eam honorandam, laudandam, & præmiis quoque interdum afficiendam censemant. Vide nunc restitutionem & veram & elegan tem. Lege:

*Quod pius ad manes Theseus comes isset amico,
Tartareum dicunt hunc soluisse Deum
Euryali Nisi que fide tibi, Turne, relatā,
Credibile est lacrimis immaduisse genas.*

Præ-

Præclarè sane & ex ipsius fabulæ fide. Theseus cum Pirit
thoo amico suo Proserpinam rapturo descenderat ad Inferos.
Sed extincto Piritthoo Theseus apud Inferos in vinculis de-
tentus manserat, donec adveniente deinceps Hercule Cerbe-
rum educturo iterum solutus, & simul cum eo ad homines in
terra viventes reversus est. Propterea jam Naso fictione
plane eleganti ac decora narrat, illud à Plutone idcirco con-
cessum fuisse Theseo tanto libentius, quod introitum ad In-
feros ob solam amicitiam Pirithoi eò, ut Proserpinam rape-
ret, tendentis fuisse ausus. Hoc itaque factò probavit Plu-
to, quanti ficeret fidem & amicitiam. Dixit verò *solutisse*
per diæresin Ovidius, ut Trist. Libr. II. Ý. 238. *evolutisse jocos*
in fine pentametri; Trist. Libr. IV. Eleg. VIII. Ý. 18. *Ne*
temerè in mediis dissoluuntur aquis. Fattor. Libr. II. Ý. 534.
Longamque imprudens exsolutissè famem. Epist. Med. Ý. 4.
Debuerat fusos evolutissè meos. Epist. Deian. Ý. 86. *Infan-*
tem cunis involutissè manum. Ubi confer ipsum eruditissimum
Nic. Heinsium. Sic etiam Tibullus ter quatérve *dissolutisse*,
dissoluenda, & *solutisse* scripsit per eandem diæresin. Ut vero
hoc loco vera scriptura *bunc solutisse* in falsam illam *indolutisse*
erat corrupta, sic loco paulo ante laudato Trist. Lib. II. Ý.
292, ubi legitur *Pellicibus multis banc dolutissè deam*, in MSS.
aliis erat *indolutisse*; ut intelligas, ita plerumque peccari so-
lere. Adhuc absurdiori ratiocinio Librarii usi sunt in hoc
OVIDII NASONIS loco corrumpendo, Metam. Libr. IX.
Ý. 21. & seq.

*Tantum ne noceat, quod me nec regia Juno
Odit, & omnis abest jussorum pœna laborum.
Nam quod te jaegas Alcmenā matre creatum;
Jupiter aut falsus pater est, aut criminè verus.*

Loquitur Achelous amnis ad Oeneum regem, cuius filiam
Deianiram petebat in matrimonium, quam eandem quoque
Hercules ambiens obtinuit. Mirandum est, manifestum &
turpissimum hujus loci mendum à nullo deprehensum, mul-
to minus sanatum fuisse. In præcedentibus Ý. 8. feliciter
Cel. Burmannus corrigendum censuit *fando pervenit ad aures*



pro tandem p. a. a. sed hoc ulcus, quod longe majoris est momenti, & certiore tamen remedio, ipsis MSS. libris eò velificantibus, tolletur, latuit omnes. Achelous in prioribus alloquitur Oeneum, Deianiræ virginis parentem, in posterioribus autem ipsum rivalem suum Herculem. Ubi primò notanda est abrupta illa sermonis conversio ab Oeneo ad Herculem, nulla prius, ut fieri debebat, compellatione facta. Sed majus est, quod reprehensionem meretur. Num Hercules se falso jactasse Alcmenâ matre dici potera? Imò vero matre suâ, quæ certa & indubitata erat, ac præterea mortalis conditionis, gloriari ille Tirynthius heros non magis solebat, quam Amphitruone vitrico, sed patre Jove. De matre certus erat Hercules, & certi ferè homines sunt omnes, nisi peculiaris accedit casus. De matre hac mortali se jactandi causam Hercules habebat nullam, sed de Patre, quem dicebat esse Jovem, non Amphitruonem legitimum ceteroquin Alcmenæ maritum. Et hoc illi objicit amaro dilemmate factò Achelouis, ut verba probant manifestè, quæ proximè sequuntur. Sic Metam. Lib. I. l. 754. Epaphus Phaëtoni objicit jaëtantiam non de matre Clymene, quæ certa erat, sed de Patre Phœbo, cum ait, *es tumidus genitoris imagine falsi.* Quid ergo consilii? Vide, quam auxilia scriptorum Librorum, & lectiones Variantes saepè negligantur, quæ viam struere possunt ad Veritatem eruendam, & frustra alia subsidia à superstitionis & imperitis judicibus expectentur, qui nihil saepè minus, quam hæc Sacra intelligunt, aut de iis non melius, quam de Apelleâ Venere futores, judicare possunt, aut denique ipsi in sua infirmità & livo re arrogantisimi pro certis beneficiis falsa convicia faciunt, obpetulantiam & temeritatem odio digni. Ipsi MSS. Codices mendum innuunt. Nam unus Palatinus habebat *quo te pro quod te;* alter Lovaniensis *quo tu.* Nihil certus est quam illud *quo;* modo è proximis aliud simul mendum paulo notabilius eximatur. Emendandum est unice & distinguendum ita:

*Tantum ne noceat, quod me nec regia Juno
Odit, & omnis abest jussorum pena laborum.*

Nam

*Nam quo te jāctas, Alcmenā nate, creatum,
Jupiter aut falsus pater est, aut crimine verus.*

Dixi in illa sermonis conversione ab Oeneo ad Herculem hujus compellationem prius diserte factam requiri. Eam habes in verbis *Alcmenā nate*, quae & aculeum habent non obscurum de mortali matre. Tu, inquit Achelous, o Hercules, o Alcmenā nate, scias, quod ille Jupiter, quo te jāctas creatum esse, sit aut falsus ac fictitius pater, aut verus per adulterium. Utrumque verò, quicquid eligere malueris, est turpe & ignominiosum. Vidimus rō quo in MSS. duobus existisse. Id genuinum erat; quo sc. Jove, de quo quæstio est, & proximus etiam versus agit. Deinde *nate* restituimus dexterime pro *matre*. Cum vero in *Alcmena*, voce præcedente syllaba *na* proxima sit, hinc videtur illud *nate* primò mutilatum, ac deinde etiam ab aliis corruptum fuisse. Et sic *creatum* usitatus simul ad patrem refertur; licet minime ignoremus, interdum, quamquam rarissime, etiam *creare* pro *parere* dici de matribus; de quo Viri celeberrimi Burmannus ad Phædr. Lib. I. fab. 6. Dukerus ad Flor. Lib. I. cap. 6, & quos illi laudant, consulendi sint, quorum testimentiis alia addi possent, si istud ageretur. Sed nihil minus, quam illud hic dixit Poëta. Porro *Alcmenā nate*, pro o fili *Alcmenæ*, par pñσις est illi Virgilianæ toties iteratae de Æneā, *Nate Deā*, quā & ipse Naso utitur Metam. Lib. XII. v. 86. alibique. Ad paginas residuas, quas jamjam mihi fore vacuas nunciatur, implendas, addam quædam alia. Et cum Chironiorum ulcerum meminerim, hujus generis nonnulla in eodem NASONE ex ingenti numero, qui in promptu est, excerpam. Epistola Heroid. X, quæ est Ariadnes ad Theseum, v. 93. ita legitur:

*Si mare, si terras, porrectaque litora vidi;
Multæ mibi terræ, multæ minantur aquæ.
Cœlum restabat. timeo simulacra deorum.
Destituo rapidis præda cibusque feris.
Sive colunt habitantque viri, diffidimus illis.
Externos didici læsa timere viros.*



Tertius versus adeo ab interpolatrice manu deformatus est, ut stupendum sit. Hic Cl. Burmanni attentio hactenus laudanda est, quod non modo falsitatem ejus senserit, sed Ovidii sententiam ex parte etiam odoratus fuerit. Sic enim scribit: *Sed nescio quid spurii & non Ovidiani sonet hic versus, qui forte à sciollo quodam ex Centobus aliunde conjutus est, &c. cum enim vidisset terrae & aquae mentionem factam, sibi persuasit, cælum restare; & post pauca addit: quare puto egestum & hoc loco motum genuinum versum, qui sequenti pentametro aptius cohæreat; continuisse verò hunc sensum puto: Si-ve deserta est & incolis vacua, destituor præda feris; sive colunt viri, diffidimus illis.* Hæc ultima verissima sunt. Unicè talis sensus requiritur. In eo verò Vir Celeb. errat, quod putet, genuinum versum hinc loco fuisse motum, quasi is adhuc alibi delitescat. Atqui certus sum, genuinum illum sub omnium literarum ductibus hujus sceleratè interpolati versiculi tectum latere. Vide jam, Lector benevole & erudite, restitutionem nostram, quā, quantum ulla humani ingenii sagacitas, & omnes omnium literarum ductus patiuntur, etiam singula corruptæ & interpolate scripturæ vestigia legimus. Ita Ovidius, nisi fallor, scripsit unice:

*Si mare, si terras, porrectaque litora vidi;
Multæ mibi terræ, multa minantur aquæ.*

Seu nihil hic exstat timidæ succurrere doctum,

Destituor rapidis præda cibusque feris:

Sive colunt habitantque viri, diffidimus illis.

Externos didici læsa timere viros.

En jam sensum, quem Cl. Burmannus, & locus ipse manifeste requirit; cum alter ille, seu deorum, seu ex Gronov. Codice unico ferarum legeris, sit ineptissimus. Non Ariadne volebat in cælum avolare. Eleganter de hominibus dictum succurrere doctum, cum feræ talia nesciant. Sic pari pñœt mox ait didici timere. Ovidius ita saepè Fast. II. 300. docta tolerare, Metam. V. 54. doctus flectere. Adde è Pont. Lib. II. Epist. 9. Ý. 58. Virgil. Aen. I. 634. *Non ignara malî miseris succurrere disco.* Hæc pene ante oculos habuisse videtur

videtur Naso. Porro *exstat* iterum proprie dicitur. Art. Am. Lib. II. 637. *cum nominis exstat adulter.* E Pont. Lib. IV. Ep. XV. init. *Si quis adhuc usquam nostri non immemor exstat.* Et sic centies. Deinde *timidae* de puella, ut Am. Lib. I. El. VII. 45. *timidae inclamasse pueræ:* & Lib. II. El. VI. 43. *timidae pro te pia vota pueræ.* Præterea præsens *exstat*, non præteritum quoddam, ut *restabat*, requirebatur. Et jam perpende omnium apicum convenientiam, dum *eu nibil pro oelum*, (literæ versuum primæ in MSS. vel seorsim ponebantur, vel plane omittebantur deinde appingendæ) hic *exstat* pro *restabat*, mox *timidae pro timeo*, deinde *succurrere pro simulacra*, postremo *dœctum pro deorum restitui*. Tot veri indicia simul concurrentia quemvis etiam morosissimum de certitudine convincere debent, cum nequeant esse fortuita. En aliud interpolatorum facinus nefandum. Epist. XII. seu Medeæ apud eundem Nasonem V. 39. ita hodie legitur:

*Dixerat interea tibi rex, ut dura ferorum
Insolito premeres vomere colla boum.*

*Martis erant tauri plus, quam per cornua, sævi;
Quorum terribilis spiritus ignis erat.*

*Ære pedes solidi; prætentaque naribus æra:
Nigra per adflatus hæc quoque facta fuos.*

In primo veritu antiquam lectionem *Dixerat i. t. rex reposu*, pro quo Nīc. Hein-
sius ex uno MS. contra tot alios *Dicitur i. t. lex obtrusit prave*, cum ita non
premeres, sed premas in proximo versu, metro obstante, legi deberet. Adde
V. 51. verba *Dixerat Æetes eleganti repetitione* *huc respiciendo esse dicta.* At
mox secundum distichon adeo desperate corruptum, ut Heinsius etiam censeat
ejiciendum esse, libris nullis succurrentibus, cui Cl. Burnmannus male parens
illud infelicibus unciniulis inclusit. At eo sublato narratio interrupta est, &
sequentia non cohærent. Præterea Pentameter *Quorum terribilis spiritus ignis
erat* venæ prorsus Ovidiana est. Am. Lib. III. El. VI. 14. *Terribili densum cum
rulit angue caput.* Sic Met. Lib. VII. 112. iisdem tauris terribiles vultus & V. 115.
ignes anhelatos tribuit. Verè hæc temeritas est, propter pauca gravius corru-
pta etiam fana ejicere. Sola hæc verba *plus quam per cornua sævi corrupta*
sunt, ut barbara & puerilis locutio indicat. Utinam, Ovidi, redires ab in-
feris! Certus sum, te ita scripsisse dicturum esse, ut nunc restituo:

*Dixerat interea tibi rex, ut dura ferorum
Insolito premeres vomere colla boum.*

*Martis erant tauri, Colchis prope noxius ipsiſ
Quorum terribilis spiritus ignis erat.*

G 3.

Ære



Aere pedes solidi, prætentaque naribus æra.

Nigra per adstans hæc quoque facta fuos.

Qui veterum scripturas viderit noveritque, animadvertis ubique apicum si militudinem, & causas interpolandi. Quorum, ait, spiritus ipsis etiam indigenis Colchis erat prope noxius, quanto magis tibi, o Jason? Hinc Met. Lib. VII. 120. ait *Mirantur Colchi*, sc. videntes talia, quæ ipsi horrebant. *Boves Marti sacros* etiam Epist. VI. vocat. Confer vero literas utrinque *plus quaper*, & *Colcis prope*, tum cornua sevi & noxius ipsis. Nihil addam ultius, sed ex eadem Medæa Epistolæ alterum locum coronidis loco adjiciam, tibi ¶. 51. hæc hodie leguntur:

Dixerat Æetes; moesti consurgitis omnes,

Mensaque purpureos deserit alta toros.

Quam tibi tunc longe regnum dotalē Creusa,

Et sacer, & magni nata Creontis erant?

Alterius versus inceptias à nemine animadversas miror. Solus Cl. Burmannus hic aliquid mali sensit. Mensa illa *alta ei jure displicet*, cum Veterum mensa supra toros parum eminerent; imo etiam humiliiores essent. Unde Virgilii Æn. II. initio, *Inde toro pater Æneas sic orsus ab alto*. Libri MSS. nil variant, nisi quod unus pro *deserit frustra desinit* habet. Latere ulcus existimat summus Burmannus. Sed hoc curare non vulgarem *pīva κριτικὴν* requirit. Illud de mensa remota ineptum est. Quid enim? An si Jason cum suis sociis surgebat duris ejusmodi conditionibus territus, idcirco etiam Æetes rex ipse Colchorum cum suis surgere debebat? an idcirco statim mensa tollenda, quasi tumultu orto, qui verberibus in triclinio decidendus esset? Nam de locutione *mensa deserit toros* jam questus est Burmannus. En vero genuinam Ovidii scripturam. Emenda me fidejussore unice:

Dixerat Æetes; moesti consurgitis omnes,

Versaque purpureus deserit ora color.

Quam tibi tunc longe regnum dotalē Creusa,

Et sacer, & magni nata Creontis erant?

Id est, pallidus color simul inficit ora præ pavore. Purpureus ille color, quo tu, Jason, eminebas, deserit ora tua versa, nec non tuorum. *Versa ora latiniſſime eo sensu dictum.* Ipse Naso iterum Lib. IV. Trist. El. II. 23. *Et cerneret vultus aliis pro tempore versos.* Horat. Lib. II. Sat. VIII. 35. *verttere pallor Tum parochi faciem, nil sic metuentis ut acres Potores.* Porro *os purpureum*, color purpureus centies occurruunt pro formoso. Horatius Lib. III. Od. 3. *Purpureo babit ore nectar, & Lib. II. Od. 5. Purpureo varius colore.* Stat. Theb. III. 441. *Purpureo vebit ore diem.* & Lib. VII. 148. de Baccho: *Purpureum tristi turbatus pectore vultum.* Ipse Naso noster locutione *purpureus color* saepè alibi utitur. Vide Metam. Lib. III. 485. & XIV. 393. Confer similia Epist. Her. XI. 27. Amor. Lib. II. Eleg. V. 34. Art. Am. Lib. I. 120. alibique. Nos enim hic pedem figimus, contenti iis, quæ primo in manus incidebant, correptis residuum spatiū implevisse.

T A N T V M .

ELE-